

ulavaisa taratuahlicuaku tənəmən

kari a kani’i tənəmənə ia, mataingalə ahlahlamaniku, ucaniika kunaku
akitan tənəmənə. tənəmənə, ihlaisa kupi patəkə kupi pualava. macahliaku
kani’i tənəmənə, tamuucu maranarə, uka’a ka cəpəngaisa. atəhləngə
tənəmənə, tamuucuaku hlipatəkəhləisana. hlatumuaku musa kumita
tənəmən.

apumia hlipimiaisa suhlatənə, pumahləməhləngəaku tənəmənə
tam malangihlu hla muruasisihlangə, tamuucu məməə makarimikimi,
marəmə hla maparicupucu, tamuucu matalakiahlə maritara’əhla tənəmənə,
ta’iarakisaka maranarə. sahlumu sakərahla hla hləhlungu. rianə mitarukakua
tənəmən, kani’ina ia ausi cucu’u mangusipina, ucanii maci musuarai
sakərahləna, iniciki tuahlə kirakakua paramacua sipangəhləva.

siuamia cucu’u mangusipina tam mələngəsə, kuakiti ka uamia
‘ahliacuvungana, ma kani’i uamianana, karəkəhlə muruamita ahliacuvungau
langələngə ta’iara, tumuau pi pahlumiamia musa patahliəngəcaisana,
macuaku pacəpəcəpəngə ia aunana sitakuamiana, iniciki tuahləita
aramuamuarə arataisa! kani’i sala’ana kuatalakiahlə uamia, tarətatəatəkəhla
taruatəahla, ku paiatuhluhlu ia, makacaniikia milakupu. macu manganə

mukakakua ‘ahliacuvunga ia, pasamanganə masakə, kuparapihli
langələngəna malitənələ, kumakitacu kupi patəpatəkə ku ualava tənəmən.

umariaənəmənə caihli rumahləu, tarəanahlamu məcəkəhlə ka tumahləu
varu’u mamaini umaiiapə, hliarimiaisa rianə mataingalə mavacangə ihlaku.
tamuucuku puavahli, pakiaturuaku kuapasalivutu ihlaku, marumana patikiku
apasamanganə ihlaku, matumuhlua hlivuraisa pakiaturuana mavacangə təkə
hla sipaiatuhluhla. mairahlu hlipasamanganə ia, marua mavacangə
hlita’iara, kani’i naani kiatarari, atəahlicuaku mavacangə cukahlangə.
arakukacu a hliuməngəngə tikiku vatu’una, aratahlisauca a tikiku,
hlitakumacucuaku micalivi hlitakumiaku takacicihli. kani’i pasamiana
paracahlia ihlaku sitakuamia, kamicicu pasamanganə pakipuhlu hlita’iara,
maniki taisa sitakualangələngəna tuahlə tumasəkəra, tətərəu hlitakumia pi
hliulava! kana’a ia, iniciku kumitan tənəmən! tamuucuaku puamacu,
kamicicu pacani təkə pasamanganə, tətərə aramasahli maramacu
sipangəhləvana.

(文章大意 僅供參考) ※字數限 200 字

我終於見到了大海

我從未見過「海」，一直都充滿好奇心，渴望去看看。海是廣闊的，它容納河、溪，如同人生，只有跨越了小河，才能邁向成功的大門。在旅途中，若你勇往直前，奮力得向上爬，不像困難屈服，就會見到無邊無際的大海！

六年級時，班轉來了許多學生，成績都比我好，讓我壓力百倍。這是老天給我的考驗吧！老師常鼓勵我，皇天不負苦心人，我取得非常好的成績，讓我領悟到，只要付出努力，困難再大也能打破並獲得豐碩果實！我終於見到大海了！